

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA OLOVO  
OPĆINSKO VIJEĆE**

Na osnovu člana 2.12 stav (5) Izbornog zakona BiH („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13, 7/14 i 31/16), člana 7. i 8. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 1/22 i 13/22) i člana 18. Statuta Općine Olovo („Službeni glasnik BiH“, broj: 2/07, 4/08, 7/18 i 8/19), Općinsko vijeće Općine Olovo, *o b j a v l j u j e*

**J A V N I O G L A S**  
**za imenovanje 1 (jednog) člana Općinske izborne komisije Olovo**

**I**

Raspisuje se javni oglas za imenovanje 1 (jednog) člana Općinske izborne komisije Olovo. Članove Općinske izborne komisije Olovo imenuje Općinsko vijeće, uz saglasnost Centralne izborne komisije Bosne i Hercegovine na period od 7 (sedam) godina.

**II**

U skladu sa Uputstvom o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 1/22 i 13/22), kandidati za članove Općinske izborne komisije Olovo trebaju ispunjavati sljedeće opće uslove:

1. da je osoba sa pravom glasa,
2. da je osoba sa odgovarajućom stručnom spremom.

**III**

Pored općih uslova iz tačke II ovog javnog oglasa, osoba koja je kandidat za člana Općinske izborne komisije Olovo mora ispunjavati i sljedeće posebne uslove:

1. da ima prebivalište na području općine Olovo;
2. da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ECTS;
3. da posjeduje iskustvo u provedenju izbora.

Pod iskustvom u provedenju izbora podrazumijeva se:

1. članstvo u izbornoj komisiji i/ili
2. članstvo u biračkom odboru na izborima obuhvaćenim Izbornim zakonom BiH.

Izuzetno od odredbe iz člana 2. stav (1) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 1/22 i 16/22), u općinama koje imaju do 700 upisanih birača, član izborne komisije može biti lice sa prebivalištem iz druge susjedne općine, ukoliko u općini za koju se imenuje izborna komisija, nema prijavljenih kandidata koji ispunjavaju uslove tražene javnim oglasom, a radi primjene člana 2.14 stav (1) Izbornog zakona BiH, vodeći računa o posljednjem popisu stanovništva.

Izuzetno od odredbi tačke III stava (1) alineja 2, član izborne komisije može biti osoba koja ima završenu višu školu, odnosno VI stepen stručne spreme, ukoliko je potrebno ispoštovati odredbe člana 2.14 stav (1) Izbornog zakona BiH, vodeći računa o posljednjem popisu stanovništva.

## IV

Sastav Općinske izborne komisije mora biti multietničan tako da odražava zastupljenost konstitutivnih naroda uključujući i ostale vodeći računa o posljednjem popisu stanovništva provedenom na državnom nivou.

U sastavu Općinske izborne komisije, nastojat će se obezbijediti ravnopravna zastupljenost spolova u skladu sa Zakonom o ravnopravnosti spolova u BiH.

## V

U skladu sa članom 2.3 Izbornog zakona BiH, za članove Općinske izborne komisije ne može biti imenovana osoba:

- a) koja se ne može kandidovati u smislu odredbi člana 1.6, 1.7 i 1.7a Poglavlje I Izbornog zakona BiH;
- b) koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora);
- c) koja je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH;
- d) koja je kandidat za izbore za bilo koji nivo vlasti u Bosni i Hercegovini;
- e) kojoj je izrečena kazna za težu povredu Izbornog zakona BiH ili propisa za koji je lično odgovorna, u posljednje četiri godine računajući od dana pravosnažnosti odluke.

## VI

Član Općinske izborne komisije ne može biti zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci i duže (član 2.12 stav (7) Izbornog zakona BiH).

Član Općinske izborne komisije ne može biti osoba koja obavlja izvršnu funkciju, kako je utvrđeno odredbom člana 1.8 stav (6) Izbornog zakona BiH, odnosno osoba koju je na dužnost imenovalo Vijeće ministara BiH, Vlada Federacije BiH, Vlada Republike Srpske, kantonalna vlada i općinsko vijeće, odnosno skupština općine.

## VII

Uz prijavu na javni oglas potrebno je dostaviti sljedeću dokumentaciju:

1. prijava na javni oglas koja sadrži: kontakt podatke podnosioca prijave, listu dostavljenih dokumenata i svojeručni potpis podnosioca prijave, te dokumente koji dokazuju ispunjavanje uslova iz javnog oglasa;
2. diploma o završenom stepenu i vrsti stručne spreme kandidata;
3. dokaz o posjedovanju iskustva kandidata u provedenju izbora (potvrda izborne komisije o imenovanju i radu u biračkom odboru, rješenje o imenovanju u izbornu komisiju ili birački odbor i mandatnom periodu);
4. obrazac PBA-3 o prebivalištu ne starije od tri mjeseca;
5. svojeručno potpisanu i od nadležnog organa ovjerenu izjavu o nacionalnom izjašnjenju kandidata sa posljednjeg popisa stanovništva u Bosni i Hercegovini;
6. svojeručno potpisanu i od nadležnog organa ovjerenu izjavu o nepostojanju smetnji iz tačke V ovog javnog oglasa (član 2.3 Izbornog zakona BiH);
7. svojeručno potpisanu i od nadležnog organa ovjerenu izjavu o nepostojanju smetnji iz tačke VI ovog javnog oglasa (član 2.12 stav (7) Izbornog zakona BiH), odnosno da osoba koja je kandidat za člana Općinske izborne komisije nije zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci i duže i člana 1.8 stav (6) Izbornog zakona BiH, odnosno da osoba koja je kandidat za člana Općinske izborne komisije nije osoba koja obavlja izvršnu funkciju, odnosno osoba koju je na dužnost imenovalo Vijeće ministara BiH, Vlada Federacije BiH, Vlada Republike Srpske, kantonalna vlada i općinsko vijeće, odnosno skupština općine;
8. dokaz o naučnom zvanju ili položenom pravosudnom ispitu ili o nosiocu pravosudne funkcije ili prisustvo obukama u organizaciji Centralne izborne komisije BiH (ukoliko kandidat posjeduje navedeno).

## VIII

Dokumenti koji se dostavljaju kao dokaz o ispunjavanju uslova oglasa moraju biti originali ili ovjerene kopije ne starije od 6 (šest) mjeseci.

Javni oglas će se objaviti u dnevnim novinama "Oslobođenje", na web stranici Općine Olovo ([olovo.gov.ba](http://olovo.gov.ba)) i na oglasnoj ploči Općine Olovo.

Obrazac izjava iz tačke VII pod rednim brojevima 5., 6. i 7. kandidati mogu preuzeti na web stranici Općine Olovo i u Stručnoj službi Općinskog vijeća.

Rok za podnošenje prijave je 8 dana od dana objave u dnevnim novinama "Oslobođenje".  
Lista pitanja za intervju sa kandidatima objavljena je na internet stranici Centralne izborne komisije BiH.

**IX**

Prijave za Javni oglas dostaviti u zatvorenoj koverti na sljedeću adresu:

**OPĆINA OLOVO  
OPĆINSKO VIJEĆE  
KONKURSNA KOMISIJA ZA PROVOĐENJE POSTUPKA PO JAVNOM OGLASU ZA  
IMENOVANJE JEDNOG ČLANA OPĆINSKE IZBORNE KOMISIJE OLOVO  
Ulica: Branilaca Olova, broj 26  
71 340 Olovo.**

Uz naznaku:

**„JAVNI OGLAS ZA IMENOVANJE 1 (JEDNOG) ČLANA OPĆINSKE  
IZBORNE KOMISIJE OLOVO“**

**- Ne otvaraj -**

Prijave se mogu slati putem pošte ili direktnom predajom na protokol u šalter sali Općine Olovo.

Po zatvaranju Javnog oglasa, Konkursna komisija izvršit će klasifikaciju kandidata na one koji ispunjavaju uslove javnog oglasa i na one koji ne ispunjavaju uslove.

Sa kandidatima koji ispunjavaju uslove Javnog oglasa, Komisija će obaviti intervju, nakon čega će sačiniti rang listu sa redoslijedom kandidata, prema uspjehu postignutom na intervjuu.

Neblagovremene i nepotpune prijave neće se uzimati u razmatranje.

Broj: 01-01-3-11/24

Datum: 28.12.2023. godine

**PREDSJEDAVAJUĆI  
OPĆINSKOG VIJEĆA**

**Amir Muminović, BA poslovanja, s.r.**